



O'ZBEKISTON RESPUBLIKASI SUV XO'JALIGI VAZIRLIGI HAY'AT QARORI

2023-yil 18-aprel

№ 5/1

Toshkent sh.

Вазирлик тизимида 2023 йилнинг I чораги давомида ижтимоий-иқтисодий ривожлантириш ва иқтисодий ислохотларни чуқурлаштириш якунлари ҳамда Ўзбекистон Республикаси Президенти ҳужжатлари ва Ҳукумат қарорлари билан жорий йилга белгиланган прогноз кўрсаткичлар ва топшириқларнинг ижросини сўзсиз таъминлаш билан боғлиқ чора-тадбирлар тўғрисида

Вазирлик ҳайъати қайд этадики, 2023 йилнинг биринчи чораги давомида Ўзбекистон Республикаси Президенти Ш.Мирзиёевнинг 2022 йил 20 декабрдаги Олий Мажлис ва Ўзбекистон халқига Мурожаатномасида, Ўзбекистон Республикаси Президентининг 2023 йил 28 февралдаги *“2022-2026 йилларга мўлжалланган Янги Ўзбекистоннинг тараққиёт стратегиясини “Инсонга эътибор ва сифатли таълим йили”да амалга оширишга оид давлат дастури тўғрисида”ги* ПФ-27-сон Фармони, шунингдек, Ўзбекистон Республикаси Президенти ҳужжатлари ва Ҳукумат қарорлари билан жорий йилга белгиланган прогноз кўрсаткичлар ва топшириқларнинг ижросини тизимли равишда ташкил ва таъмин этиш борасида муайян ишлар амалга оширилган. Ҳисобот даврида:

суғориш ишлари учун жами 1 398 м³/сек сув олиш лимити ажратилган бўлиб, амалда 1 271 м³/сек ёки лимитга нисбатан 91,0 фоиз сув олинмоқда. Олинган сув билан ўртача кунлик 61,0 минг гектар суғориш ва пушта суви бериш ишлари олиб борилиб, 34,6 минг гектар ғалла, 14,2 минг гектар пуштага нам суви бериш ва шўр ювиш ҳамда 12,2 минг гектар томорқа ва бошқа экин майдонлари суғорилмоқда;

60 минг гектар майдонда сув тежовчи технологияларни жорий қилиш белгиланган бўлиб, ушбу даврда жами 120,0 минг гектар майдонда, шундан 10,6 минг гектар майдонда кўчма эгилувчан қувурлар, 12,2 минг гектар майдонда эгатга плёнка тўшаб суғориш тизимлари жорий қилинган ҳамда 97,2 минг гектар кишлок хўжалиги экин майдонлари лазер ускунаси ёрдамида текисланган;

ирригация объектларини куриш ва реконструкция қилиш бўйича 94,5 млрд.сўм маблағлар ўзлаштирилиб, 124,8 млрд.сўм маблағлар молиялаштирилиб, 17,1 км каналлар, 1,3 км лоток тармоқлари, 1 та кўприк ва бошқа бир қатор ирригация объектларида курилиш-монтаж ишлари амалга оширилган;

мелиорация объектларини куриш ва реконструкция қилиш бўйича 59,1 млрд.сўм маблағлар ўзлаштирилиб, 41,0 млрд.сўм маблағлар молиялаштирилиб, 27,9 км очиқ ҳамда 5,8 км ёпиқ-ётиқ коллектор дренаж тармоқлари ва бошқа бир қатор мелиоратив объектларда курилиш-монтаж ишлари бажарилган;

сув хўжалигига рақамли технологияларни кенг жорий қилиш, сув хўжалиги объектларини рақамлаштириш ҳамда сувнинг ҳисобини очиқ-ошкора юритиш тизимини жорий этиш мақсадида Ўзбекистон Республикаси Рақамли технологиялар вазирлиги ва Сув хўжалиги вазири ўртасида *“2023 йилда Сув хўжалиги вазирлиги фаолиятини рақамлаштириш, электрон хизматлар улушини ошириш ва ахборот хавфсизлигини таъминлаш бўйича “Йўл харита”си* ишлаб чиқилиб, вазирликнинг

асосий 77 та функцияларидан 43 таси (56,0 %) рақамлаштирилган, 21 та (27,0 %) функцияни “Сув ҳисоби” ахборот тизими жорий этилиб солиқ билан интеграция қилиш, “Сув хўжалиги объектлари”, “dxsh.uz” ва ташкилотларда мавжуд омборлардаги асосий воситалар ва эҳтиёт қисмларнинг кирим/чиқимини рўйхатга олиш ахборот тизимларини жорий этиш ва “PROFI-TECH” онлайн ўқув платформасини жорий қилиш орқали рақамлаштириш чоралари кўрилмоқда. Ҳозирда 13 та (1,0 %) функцияни рақамлаштириш мақсадида бошқа вазирлик ва идораларнинг тажрибаси ўрганилмоқда;

1 097 та насос агрегатлари ҳамда 735 та суғориш қудуқлари таъмирланган, 1 048,0 млн.кВт.соат электр энергия лимити ажратилган бўлиб, ҳақиқатда 1 002,1 млн.кВт.соат сарфланган ва ажратилган лимитга нисбатан 45,9 млн.кВт.соат иқтисод қилинган;

инвестиция дастурига асосан 144,0 фоиз хорижий кредит маблағлари ўзлаштирилган ва натижада 159,5 км узунликдаги каналлар ва улардаги 186 та гидротехник иншоотлар реконструкция қилинган, 203,3 га суғориладиган майдонлар лазер ёрдамида текисланган ва 60 та кўприк қурилган.

Лекин, эришилган натижалар билан бирга ҳисобот даврида бир қатор хато ва камчиликларга, қолоқликларга ҳам йўл қўйилган бўлиб, ҳозирги кунда ўз ечимини кутаётган масалалар мавжуд.

сувнинг ҳисобини очиқ-ошкора юритиш тизимини жорий этиш мақсадида 13 мингта сув хўжалиги объектларини рақамлаштириш юзасидан Тармоқ жадвалга мувофиқ 614 та “Ақлли сув” ва 525 та “Дайвер” қурилмаларини ўрнатиш ишлари маҳаллий бюджетдан маблағлар ажратилмаганлиги сабабли тўлиқ бажарилмаган (35 та “Ақлли сув” ва 209 та “Дайвер” қурилмалари ўрнатилган);

сув хўжалиги объектларини давлат-хусусий шериклик шартлари асосида хусусий шериклар бошқарувига бериш бўйича амалга оширилиши лозим бўлган 52 та лойиҳалардан 2 та лойиҳа амалга оширилган, бироқ, Андижон, Бухоро, Жиззах, Навоий, Сурхондарё, Тошкент, Фарғона ва Хоразм вилоятларида *бирон бир лойиҳа концепцияси тасдиқланмасдан*, белгиланган режага асосан лойиҳаларни амалга оширишда орқада қолмоқда;

164,5 минг гектар пахта майдонларига нисбатан 41,0 фоиз (67,2 минг гектар) майдон учун қурувчи корхоналар билан пудрат шартномалари расмийлаштирилган бўлса-да, Қашқадарё вилоятида 5,0 фоиз, Навоийда 7,0 фоиз, Бухорода 14,0 фоиз, Жиззахда 29,0 фоиз ҳамда Қорақалпоғистон Республикасида 33,0 фоиз шартнома расмийлаштирилган;

Жиззах, Навоий, Самарқанд, Тошкент ва Хоразм вилоятларида томчилатиб суғориш технологиясини жорий қилиш бўйича *қурилиш-монтаж ишларига умуман киришилмаган*. Беруний, Амударё, Тахиатош, Шуманой, Қўнғирот, Нукус, Кегейли, Бўзатов, Чимбой, Қораўзак, Когон, Пешку, Ғиждувон, Ғузор, Қарши, Қамаш, Нишон, Касби, Чирокчи, Шаҳрисабз, Конимех, Хатирчи, Денов, Олтинсой, Узун, Шеробод, Қуйи-Чирчиқ, Юқори-Чирчиқ, Бувайда, Қува ва Учкўприк туманларида бугунги кунга қадар *бир гектар майдонда ҳам пудрат шартномалари расмийлаштирилмаган*;

2023 йил ҳосили учун экилган ғалла майдонларида ёмғирлатиб суғориш технологиясини жорий қилиш бўйича 134,8 минг гектар майдон учун пудрат шартномалари расмийлаштирилган бўлса-да, бугунги кунга қадар Сирдарё вилоятида 15 гектар, Самарқандда 35 гектар ҳамда Қорақалпоғистон Республикасида 52 гектар майдонда технология ишга туширилган бўлса, *Наманган ва Тошкент вилоятларида бир гектар майдонда ҳам ёмғирлатиб суғориш технологияси жорий қилинмаган*;

11,2 минг гектар майдон учун етарли эгилувчан қувурлар фермер хўжаликларига етказиб берилган бўлиб, шундан 10,6 минг гектар майдонда ушбу қувурлар орқали суғориш ишлари ташкил қилинган бўлса-да, 178 комплект етказиб берилган эгилувчан қувурларнинг молиялаштириш масаласи ҳал этилмаган. Фермер хўжаликларига етказиб берилган эгилувчан қувурларга нисбатан Қорақалпоғистон Республикасида 30 комплект, Андижонда 10 комплект, Навоийда 80 комплект, Фарғонада 29 комплект, ҳамда Хоразмда 28 комплект қувурларнинг молиялаштириш масаласи ҳал этилмаганлиги сабабли, қувурлар ишлатилмасдан қолмоқда. Бухоро ва Қашқадарё вилоятларида эса бир гектар майдонда ҳам эгилувчан қувурлар орқали суғориш ишлари ташкил қилинмаган;

энерготехамкор қурилмаларни ўрнатиш ишлари Беруний, Андижон, Жиззах, Қашқадарё, Наманган, Сирдарё, Сурхондарё ва Тошкент Насос станциялари ва энергетика бошқармалари томонидан маҳаллий бюджетдан маблағлар ажратиш борасида тизимли равишда иш олиб борилмаганлиги сабабли амалда умуман ўрнатилмаган;

“Сувқурилишинвест” давлат муассасалари томонидан жорий йилда янгидан бошланувчи объектлар бўйича лойиҳа-смета ҳужжатларини ишлаб чиқиш, экспертизадан ўтказиш ва бош пудратчи ташилотларни аниқлаш ишлари кечиктирилмоқда.

Юқорида қайд этилган хато-камчиликлар ва қолоқликларни зудлик билан бартараф этиш, ўз ечимини кутаётган мавжуд муаммоларни ҳал қилиш, Ўзбекистон Республикаси Президенти ва Ҳукумати ҳужжатлари билан 2023 йилга белгиланган прогноз кўрсаткичлар ва топшириқларнинг ижросини сўзсиз таъминлаш бўйича бошқарувнинг барча даражадаги раҳбар ва мутахассисларнинг шахсий масъулияти ва жавобгарлигини кучайтириш мақсадида, ҳайъат йиғилиши

Қарор қилади:

1. Вазир ўринбосарлари, вазирлик марказий аппаратининг бошқарма ва мустақил бўлим бошлиқлари, Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари, туманлар ирригация бўлимлари ҳамда вазирлик тасарруфидаги республика ва тизим ташилотлари томонидан Ўзбекистон Республикаси Президенти ва Ҳукумати ҳужжатлари билан 2023 йилнинг I чорагига белгиланган прогноз кўрсаткичлар ва топшириқларнинг ижросини таъминлаш борасидаги амалга оширилган ишлар **қониқарсиз деб топилсин.**

2. Вазирнинг биринчи ўринбосари А.Назаров, вазир ўринбосарлари Р.Қаршиев, Б.Камалов, Д.Ходжихимедов, вазирлик марказий аппаратининг бошқарма ва мустақил бўлим бошлиқлари, Қорақалпоғистон Республикаси Сув хўжалиги вазири ва барча ирригация тизимлари ҳавза бошқармаси бошлиқларига Ўзбекистон Республикаси Президенти ва Ҳукумати ҳужжатлари билан 2023 йилнинг I чорагига белгиланган прогноз кўрсаткичлар ва топшириқларнинг ижросини тўлиқ даражада таъминламаганлиги, ўз ечимини кутаётган мавжуд муаммоларни ҳал қилишда ташилотчилик, талабчанлик ва ташаббускорлик етишмаётганлиги, ўз зиммаларига юклатилган вазифаларни бажаришда сусткашликка ҳамда хато-камчиликлар ва қолоқликларга йўл қўйганлиги учун **жиддий кўрсатиб ўтилсин.**

Белгилаб қўйилсинки, 2023 йилнинг I чораги давомида йўл қўйилган хато ва камчиликлар ҳамда қолоқликлар бартараф қилинмаганда, ҳозирги кунда ўз ечимини кутаётган масалалар ҳал қилинмаганда, шунингдек, Ўзбекистон Республикаси Президенти ва Ҳукумати ҳужжатлари билан жорий йилнинг I ярим йиллигига белгиланган прогноз кўрсаткичлар ва топшириқлар ижроси ўрнатилган муддатларда,

тўлақонли ва сифатли таъминланмаган тақдирда вазир ўринбосарининг масъулияти юзасидан Вазирлар Маҳкамасига таклиф киритилади, вазирлик марказий аппаратининг бошқарма ва мустақил бўлим бошлиқлари ҳамда вазирлик тасарруфидаги республика ва тизим ташкилотлари раҳбарларига нисбатан эса Ўзбекистон Республикаси Меҳнат кодексининг 181-моддасига асосан эгаллаб турган лавозимидан озод этишгача бўлган интизомий жазо чоралари қўлланилади.

3. Вазирликнинг 4 та буйруғи билан жами 8 та раҳбар-ходимларга (2 та вазирлик марказий аппарати раҳбар-ходимига ва 6 та тизим ташкилотлари раҳбарларига) нисбатан Ўзбекистон Республикаси Меҳнат кодексининг 181-моддасига мувофиқ **ҳайфсан** эълон қилинганлиги, Ўзбекистон Республикаси Президенти ва Ҳукумати ҳужжатлари топшириқлари ижросини таъминлашга, зиммасига юклатилган вазифаларни бажаришда масъулиятсизлик ва лоқайдлик билан қараганлиги учун ҳисобот даврида Норин-Сирдарё ирригация тизимлари ҳавза бошқармаси бошлиғи Алматов Фозилжон Абукадирович, Аму-Қашқадарё ирригация тизимлари ҳавза бошқармаси бошлиғи Турсунов Азизбек Эркин ўғли, “Қашқадарёсувқурилишинвест” давлат муассасаси директори А.Шариповларнинг эгаллаб турган **лавозимидан озод этилганлиги маълумот учун қабул қилинсин.**

мелиоратив объектлар эгаллаган ерларнинг кадастр ҳужжатларини тўлиқ шакллантирмаганлиги ва тегишли тартибда давлат рўйхатидан ўтказмаганлиги учун Қорақалпоғистон Республикаси Сув хўжалиги вазирлиги ҳузуридаги Мелиоратив экспедицияси бошлиғи И.Жанабаев, Норин-Қорадарё ирригация тизимлари ҳавза бошқармаси ҳузуридаги Мелиоратив экспедицияси бошлиғи М.Якубеков, Аму-Сурхон ирригация тизимлари ҳавза бошқармаси ҳузуридаги Мелиоратив экспедицияси бошлиғи Н.Каримов, Қўйи-Сирдарё ирригация тизимлари ҳавза бошқармаси ҳузуридаги Мелиоратив экспедицияси бошлиғи Ш.Хонназаровларга Ўзбекистон Республикаси Меҳнат кодексининг 181-моддасига асосан **ҳайфсан** интизомий жазо чораси қўлланилганлиги ва Чирчиқ-Оҳангарон ирригация тизимлари ҳавза бошқармаси ҳузуридаги Мелиоратив экспедицияси бошлиғи **Ш.Ганпаров эгаллаб турган лавозимидан озод этилганлиги** маълумот учун қабул қилинсин.

4. 2023 йилнинг I чорагида гидрометрия хизматини тартибга солиш ва сувнинг ҳисоб-китобини тўғри йўлга қўйиш юзасидан белгиланган прогноз кўрсаткичлар ва топшириқларнинг ижросини белгиланган муддатларда, сифатли ва тўлақонли таъминламаганлиги, зиммасига юклатилган вазифаларни бажаришга лоқайдлик ва масъулиятсизлик билан қараганлиги Чирчиқ-Оҳангарон ирригация тизимлари ҳавза бошқармаси бошлиғи Б.Қурбонов, Қўйи Сирдарё ирригация тизимлари ҳавза бошқармаси бошлиғи Ш.Исроилов ва Чапқирғоқ-Амударё ирригация тизимлари ҳавза бошқармаси бошлиғи О.Тоировга **огоҳлантириш эълон қилинсин.**

5. Вазирнинг биринчи ўринбосари А.Назаров, Сув омборлари ва йирик гидротехника иншоотларидан фойдаланиш бўлими бошлиғи в.б. Р.Рахимов, Қорақалпоғистон Республикаси ва вилоят ирригация тизимлари ҳавза бошқармалари, магистрал каналлар раҳбарлари, сув омборлари ва сел-сув омборлари ҳамда хавф даражаси юқори бўлган бошқа сув хўжалиги объектлари раҳбарларига:

2023 йил 1 июнгача сув чиқариш иншооти тоннели деворларидан сувнинг фильтрациясига қарши инъекция ишлари ва дарвозаларининг (затворларининг) резинали зичлагичларини алмаштириш ишларини якунлаш, дренаж тизимини ишчи ҳолатга келтириш ҳамда фильтрация сувларини олиб кетувчи коллекторнинг тозалаш, асосий ва захира электр тармоқларини автоматик равишда улаш-ўчириш қурилмаси билан жиҳозлаш, сув омборининг сув чиқариш иншооти гидромеханика ва электр ускуналарини алмаштириш ва янгилаш, сув чиқариш иншоотини таъмирлаш ва дарвозаларини (*задвижкаларни*) алмаштириш ҳамда фавқулодда сув ташлаш

иншоотларидаги дарвозаларнинг (*затворларнинг*) металл қисмларини коррозиядан ҳимоялаш ишларини якунлаш;

2023 йил давомида босқичма-босқич сув омборлари, сел-сув омборлари ва хавф даражаси юқори бўлган бошқа сув хўжалиги объектлари хавфсизлик декларацияларини ишлаб чиқиш, сув омборлари ва сел-сув омборлари ҳамда хавф даражаси юқори бўлган бошқа сув хўжалиги объектлари хавфсизлиги билан боғлиқ бошқа тадбирларни амалга ошириш, сув омборида фавқулодда вазиятлар учун захира ресурсларини ҳамда шахсий ҳимоя ва кутқарув асбоб-анжомлари захирасини яратиш, сув омборлари ва сел-сув омборлари ҳамда хавф даражаси юқори бўлган бошқа сув хўжалиги объектларида авария-захира материалларини яратиш ҳамда керакли асбоб-ускуналар билан босқичма-босқич жиҳозлаш ишларини амалга ошириш вазифалари юклатилсин.

7. Вазир ўринбосари Д.Ходжихмедов, Сув хўжалигида капитал қурилиш лойиҳаларини шакллантириш ва амалга ошириш бошқармаси бошлиғи М.Қурбонов, Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари ҳамда “Сувқурилишинвест” давлат муассасалари раҳбарлари томонидан Ўзбекистон Республикаси Президентининг 2022 йил 30 декабрдаги “2023-2025 йилларда Ўзбекистон Республикасининг ижтимоий ва ишлаб чиқариш инфратузилмасини ривожлантириш чора-тадбирлари тўғрисида”ги ПҚ-465-сонли қарори билан 2023 йилнинг I чорагига белгиланган прогноз кўрсаткичлар ва топшириқларнинг ижросини таъминлаш, ирригация ва мелиорация объектлари бўйича лойиҳа-смета ҳужжатларини ишлаб чиқиш, экспертизадан ўтказиш ва бош пудратчи ташкилотларни аниқлаш бўйича олиб бораётган ишлар **қониқарсиз деб топилсин.** Шу мақсадда:

бир ҳафта муддатда Сирдарё-Зарафшон ирригация тизимлари ҳавза бошқармаси (М.Турдибоев) “Жиззахсувқурилишинвест” давлат муассасаси (А.Қаршибоев) ҳамда “Сувлойиҳа” МЧЖ (Қ.Бобожонов) билан биргаликда “Сувлойиҳа” МЧЖ томонидан Бахмал туманидаги “Боғимозорсой” сел-сув омборини қуриш (2-босқич) объектининг ўзгартириш ва қўшимчалар (*корректировка*) киритилган лойиҳа-смета ҳужжатлари бўйича объект қиймати дастлабки қийматга нисбатан 2,5 баробарга ошиб кетганлиги натижасида ушбу объектнинг иқтисодий самарадорлигини чуқур таҳлил қилган ҳолда таклиф киритиш;

бир ой муддатда “Қашқадарёсувқурилишинвест” давлат муассасаси (Б.Буриев) бош лойиҳачи ва бош пудратчи билан биргаликда Дехқонобод туманидаги “Дехқонобод” сел-сув омбори фойдали ҳажмини 20,0 млн. куб метрга ошириш объектининг тасдиқланган ишчи лойиҳа ҳужжатларига ўзгартириш ва қўшимчалар киритиш бўйича барча асословчи ижро ҳужжатларни кўриб чиқиб, лойиҳа-смета ҳужжатларига тегишли ўзгартиришлар киритиш ва Давлат экспертизасидан ўтказиш;

“Питнаксувқурилишинвест” давлат муассасаси (С.Юлдашев) ва “Гидролойиҳа” АЖ (Р.Орушин) билан биргаликда Туямўйин гидроузели Султонсанжар дамбаси сув филтрациясига қарши тупроқ ичида девор қуриш объектининг тасдиқланган техник иқтисодий-ҳисобига мувофиқ ишчи ҳужжатлари ишлаб чиқилишини тезлаштириш;

Самарқанд вилояти Булунғур туманидаги “Булунғур” сув омборини қуриш объектининг ўзгартириш ва қўшимчалар киритилган техник иқтисодий-ҳисобини тасдиқлаш юзасидан Ҳукуматнинг қарори лойиҳасини Вазирлар Маҳкамасига киритилишини тезлаштириш.

ҳар ойда камида 2 мартаба Ўзбекистон Республикаси Президентининг 2022 йил 30 декабрдаги ПҚ-465-сонли қарори билан 2023 йилга белгиланган прогноз кўрсаткичлар ва топшириқларнинг ижросини таъминлаш, ирригация ва мелиорация

объектлари бўйича лойиҳа-смета ҳужжатларини ишлаб чиқиш, экспертизадан ўтказиш ва бош пудратчи ташкилотларни аниқлаш бўйича олиб бораётган ишларни вазирликнинг ZOOM платформаси орқали видеоконференцалоқа (*ВКА*) тартибидаги ўтказиладиган селектор йиғилишларида чуқур таҳлиллар асосида танқидий руҳда муҳокама қилиб бориш орқали белгиланган топшириқларнинг ўз вақтида, тўлиқ ва сифатли бажарилиши устидан назорат, қатъиятлилиқ ва талабчанликни кучайтириш;

ҳар чорак якуни билан мазкур қарор билан вазирликка юклатилган топшириқлар ижроси тўғрисида вазирлик ҳайъат йиғилишларига ҳисобот ҳамда Вазирлар Маҳкамасига ёзма равишда ахборот тақдим қилиш;

2023 йилга белгиланган прогноз кўрсаткичлар ва топшириқларнинг ижросини белгиланган муддатларда, сифатли ва тўлақонли таъминламаган ва ахборот тақдим қилмаган, шунингдек, ижроси кечикишига йўл қўйган раҳбар-ҳодимларга нисбатан тегишли интизомий жазо чоралари қўллаш юзасидан тақлиф (*вазирлик буйруқ лойиҳасини*) киритиб бориш вазифалари топширилсин.

8. Қорақалпоғистон Республикаси Сув хўжалиги вазирлиги, вилоятлар ирригация тизимлари ҳавза бошқармалари ҳамда уларнинг ҳузуридаги Насос станциялари ва энергетика бошқармалари, Мелиоратив экспедициялар, йирик гидротехник иншоотлар ва сув омборлари, ирригация тизим бошқармалари, туманлар ирригация бўлимлари раҳбарларига:

3 кун муддат ичида жойларда 2023 йилнинг I чораги давомида йўл қўйилган хато ва камчиликлар, қолоқликлар ҳамда ҳозирги кунда ўз ечимини кутаётган масалаларни танқидий руҳда муҳокама қилиб, ҳайъат йиғилишига тақдим қилинган маълумотномада қайд этилган хато-камчиликлар ва қолоқликларни зудлик билан бартараф этиш, ўз ечимини кутаётган мавжуд муаммоларни ҳал қилиш юзасидан **вилоят, туман ва ҳар бир сув хўжалиги объекти кесимида чора-тадбирлар режасини** ишлаб чиқиш, унинг ижроси ҳақида **ҳар ой якуни билан** вазирликка ёзма равишда ахборот тақдим қилиш;

3 кун муддатда ажратилган сув олиш лимитлари доирасида Қорақалпоғистон Республикаси Сув хўжалиги вазирлиги ва ирригация тизимлари ҳавза бошқармалари хизмат кўрсатиш ҳудудидаги ирригация тизими бошқармалари, магистрал каналлар (тизимлар), туман ирригация бўлимлари, алоҳида аҳамиятга эга бўлган сув объектларининг сув манбалари, иктисодиёт тармоқлари ва маъмурий ҳудудлар бўйича уларнинг сувга бўлган талаблари асосида белгиланган сув олиш лимитларини тасдиқлаб, ҳар бир сувдан фойдаланувчи ва сув истеъмолчиларига етказиш;

5 кун муддатда сув истеъмолчилари билан уларга ажратилган сув олиш лимитлари доирасида сувдан фойдаланиш ёки сув истеъмоли тўғрисидаги шартномаларнинг тузилишини ҳамда уларни белгиланган тартибда рўйхатдан ўтказилишини таъминлаш;

5 кун муддатда суғориш қудуқлари ва вертикал дренаж қудуқларига боғланган майдонларда тўлиқ сув тежовчи технологиялар (*эгиловчан қувур ва лазер текислаш*) жорий қилиш, фермер хўжаликларига тарқатилган эгиловчан қувурлардан фойдаланган ҳолда суғориш ишларини ташкил қилиш, молиялаштириш масаласини яқунлаш ҳамда натижаси бўйича вазир номига ёзма равишда ахборот тақдимқилиш;

10 кун муддатда сув хўжалигининг махсус хизматлари томонидан сув олиш лимитлари ва сувдан фойдаланиш режаларини истеъмолчилар кесимида ишлаб чиқиб, тасдиқланган ҳолда вазирликка тақдим қилиш;

10 кун муддатда 2023 йилга белгиланган режа-прогноз кўрсаткичларига мувофиқ сув тежовчи технологияларни жорий қилиш бўйича қурувчи корхоналар билан пудрат шартномаси тузиш ишларини яқунлаш ҳамда натижаси вазир номига ёзма равишда ахборот тақдим қилиш;

сув тежовчи технологияларни жорий қилиш бўйича қурувчи корхоналар билан расмийлаштирилган пудрат шартномаларига мувофиқ кредит маблағларини ажратишда зарур бўлган ҳужжатларни тижорат банкларига тақдим этиш чораларини кўриш ҳамда молиялаштирилган лойиҳаларда қурилиш-монтаж ишларини ўз вақтида амалга ошириш;

Гидрометрия хизматини тартибга солиш ва сувнинг ҳисоб-китобини тўғри йўлга қўйиш мақсадида 2023 йилнинг I ярим йиллиги давомида режалаштирилган гидропостларда жорий ва капитал таъмирлаш ишларини амалга ошириш;

ҳар ўн кунда сув ҳўжалиги тизим ташкилотлари ҳисобидаги вилоятлараро ва туманлараро гидропостлар тўғрисидаги (жойлашган манбаси, пикети, гидропост тури, сув ўтказиш қобилияти, жихозланиши) маълумотларни аниқлаш ва ягона маълумотлар базасига киритиб борилиши юзасидан ҳисоботларни тақдим этиш;

ҳар ой якуни билан кейинги ойнинг 3 санасига қадар иқтисод қилинган электр энергияси миқдорлари бўйича вазирликка тегишли ҳисоб-китоблар билан асосланган ҳисоботларни тақдим қилиш;

ҳар ойда электр энергияси учун ҳақиқатда ажратилган маблағлар бўйича насос станцияларни ишлатиш юзасидан тегишли графикларни ишлаб чиқиб, вилоят ҳокимнинг кишлоқ ҳўжалиги бўйича ўринбосарлари томонидан тасдиқлатиш ва шу асосида насос станцияларни ишлатилишини сўзсиз таъминлаш;

насос станцияларга ўрнатилиши режалаштирилган электродвигател, куёш электр панеллари, куёш сув иситиш қурилмалари, конденсатор қурилмаларини ҳамда частота ўзгартирувчи қурилмаларни сотиб олинишини ва ўрнатилишини тўлиқ таъминлаш;

доимий равишда ишлаётган қудуқларни назорат қилиб, унга боғланган майдонларга сув тежовчи суғориш технологиялари жорий қилмаган бўлса уларни дарҳол ўчириш чораларини кўриш;

суғориладиган ерларнинг мелиоратив ҳолатини яхшилаш ва барқарорлигини таъминлаш, сизот сувлари сатҳи ва сув-туз баланси бўйича аниқ мониторинг юритиш;

суғориладиган ер майдонларида сизот сувларининг жойлашиш сатҳини аниқлашга хизмат қилувчи ва бугунги кунда носоз ҳолатга келиб қолган республика бўйича жами 1 963 дона кузатув қудуқларини **жорий йилнинг II чораги давомида** тўлиқ таъмирлаш ва ишчи ҳолатга келтириш;

кузатув қудуқларига ўрнатилган Дайвер қурилмаларини вазирлик базасига интеграция қилиш ишларини **жорий йилнинг I майига қадар** тўлиқ якунлаш чораларини кўриш ҳамда жорий йилда мелиоратив кузатув қудуқларни автоматлаштириш режасини белгиланган муддатларда сифатли бажариш бўйича барча чораларни кўриш;

жорий йилда коллектор-дренаж тармоқларида амалга оширилиши режалаштирилган таъмирлаш-тиклаш тадбирлари устидан қатъий мониторинг юритиш вазифалари топширилсин.

9. Ушбу ҳайъат йиғилиши қарорининг бажарилишини таъминлаш вазирнинг тегишли ўринбосарларига ва унинг ижросини назорат қилиш вазирнинг биринчи ўринбосари А.Назаров зиммасига юклатилсин.

Ҳайъат раиси

Ш. Ҳамраев

